

11.01.2019

UPA2019/30

**Nuungaatsiarmit Illorsuarmit qimarnunneqarneranni, inuiaqatigiinniit inissanik taarsiiluni agguaassinermit neqeroorutaasut pillugit apeqquaqat aallaavigalugu oqallinnissamik siunnersuut.**

(Inatsisartunut ilaasortaq Karl-Kristian Kruse, Siumut)

2017-mi inuiaqatigiinnut tamanut eqquisumut minnerunngitsumillu Nuungaatsiami najungaqtunut nalaaneqartumut sakkortuumut annaasaqarfioqisumut eqqorneqaataaqisumullu, tamatumalu malitsigisaanik Nuungaatsiarmit Nunaminnit asasaanniik avatagiisaannillu pisuussuterpasualimmiik taamatullu Illorsuarmit nunamik asaminnit inuutissarsiornikkullu periarfissarisaaqisumiik nuukallartinneqarput pineqartunut misigissutsikkut sakkortuumik eqqorneqaatigiisaanik, Nunaqarfiit taakku kinguaariinnik qangaaniik najungaqtut inuiaqatigiinnut annertuumik sunniuteqarlutik napatitseqataajuarsimapput, piniartuunermik aallaveqartumik aammalu aalisarnikkut periarfissarisaartuunermikkut inuiaqatigiinni agguaqatigiisitsinermit isertitaqarfiunerpaanut inissisimajualernikuullutik.

Maannakkulli inoqafinnut ataasiinnaanngitsunut siammarlutik inissisimatinneqarallalernerat pineqartunut misigisaq tupinnanngittumik upperilernerqarsinnaanngittut sinnartornerinnartulluunniit pisimasutut takorloorneqarsinnaasimasup kingunerisaanik inigigallagassaannik sanaartortoqarpoq taamaattoqarneratalu malitsigisaanik ilumut pisoq piviusuusoq uppernarsillualernarpoq inunnut pineqartunut, Inuiaqatigiillu sinnerlugit sulinitinni eqqugaasut tamarnik naligiimmik pineqarnissaannik sullinneqassasut oqariartorfiginikuullugit.

Matumuuna ilumut taamatut pineqarnersut paasisaqarfigissallugit qulakkeerusuppara, ilaatigut oqariartuutigineqartut taamatut isikkoqannginnerat attaveqartarnikkut paasigakku allaat eqqungaasut annertuumik Nuungaatsiarmit illoqareersut nunagisaminni illutaartinneqarsinnaasimannimmata inoqutigiit ataasiinnaanngittut, ilumut taamaattoqarsimappat suliassaq tamakkiisoq timitalernerqarsimannimmata, Ilumut taamaattoqarsimappat qanoq Naalakkersuisut pilersaaruteqarnersut paasisariaqarakku minnerunngittumik inuit pineqartut eqqungaaniikullu sukumiisumik ilisimasariaqarmassuk naligiimik atugaqartitaanissartik qanoq kinguneqartinneqassanersoq naammassineqarniarnersorlu.

Oqallinnissaq manna saqqummiuppara neriullunga inuit pineqartut atugaqartitaanerannut alloriaqqinnissaannullu iluaqutaasumik kinguneqarumaartoq.

Oqallilluarisi.